



唐詩紀事卷第七十六

東吳

僧太易

僧惟審

僧滄浩

僧良友

僧志定

僧棲蟾

僧曇翼

僧清塞

僧無悶

僧文益

僧脩睦

僧景雲

僧太易

贈司空拾遺云侍臣何事辭雲階江上微吟見雪花望
闕未承丹鳳詔開門空對野人家陳琳草奏才還在王
粲登樓興不賒高館更容塵外客仍令歸路待瑤華

僧惟審

賦得聞曉鶯啼云卷簾清夢後芳樹引流鶯隔葉傳春

唐詩紀事卷七十一
意穿花送曉聲未調雲路翼空負桂林情莫盡關西興
羈愁正散生

別友人云一身無定處萬里獨銷魂芳草迷歸路春衣
滴淚痕幾時同旅食向夜宿江村欲識異鄉苦空山啼
暮損

春日旅懷呈知己云生涯萬事有蒼蒼應任流萍便越
鄉春水獨行人漸遠故園歸路夜空長一聲隔浦猿啼
夜數滴驚心淚滿裳不為知音皆鮑叔信憑江上去茫
茫

僧滄浩

留別嘉興知己云一坐東林寺從來未下山不因尋長
者無事到人間宿雨愁為客寒禽散未還空懷舊山月
童子誦經閑此詩已載
僧皎然下

僧良乂

秋山荅盧鄴云風泉只向夢中聞身外無餘可寄君當
戶一輪唯曉月掛簷數片是秋雲右張為取此詩於主
客圖

僧志定

唯有樽前今夜月當時曾照墮樓人句梧桐葉老蟬聲
死一夜洞庭波上風句右張為取作主客圖

僧棲蟾

再宿京口院詩云灘聲依舊水溶溶岸影參差對梵宮
楚樹七回凋敗葉江人兩至宿秋風蟾蜍竹老搖踈白
菡萏池乾落謝紅多為支郎念行止晚來生計轉如蓬
牧童云牛得自由騎春風細雨飛青山青草裏一笛一
簑衣日出唱歌去月明撫掌歸何人得似爾無是亦無
非

短歌行云蟾光堪自咲浮世懶思量身得幾時活眼開
終日忙千門無壽藥一鏡有愁霜早向塵埃外光陰任
短長

宿巴江云江聲五千里瀉碧急於弦不覺日又夜爭教
人少年一汀巫峽月兩岸子規天山影似相伴濃遮到
曉舡

遊邊云邊雲四顧濃饑馬咬枯叢萬里八九月一身西
北風戎營天正黑戰馬雪多紅昨夜東歸夢挑關晚色
中

寄南嶽元泰布袖云曹溪入室人終老甚孤群四十餘
年內青山與白雲松和巢鶴看菓共野猿分海內僧來
說高名自小聞

僧曇翼

唐詩紀事卷七十一
招隱詩云連峯數千里脩林帶平津雲起遠山翳風至
黃荒榛茅茨隱不見雞鳴知有人躡蹻踐其跡處處見
遺薪乃知百代下固有上皇民

僧清塞

贈王道士云藥力資蒼鬢應非舊日身一為嵩嶽客幾
葬洛陽人冰縫瓢探水雲根斧斫薪關西往來熟誰得
水銀銀

山舍愁思云一從雲水住曾不下西岑落木故園在秋
庭積葉深泉流通井脉蟲響出墻陰靜夜更聲徹寒燈
獨自吟

早秋別盧玄休云此別經歲久唯約半年回野渡人初
過前山雪未開鴈群逢曉斷秋色映春來是夜蘆花宿
嚴家有釣臺

贈幻群法師云北京師別後南越幾聽砧住久白鬢出
講長黃葉深香連隣舍像磬徹遠巢禽寂寞應關道何
人見此心

送耿逸人南歸云南行隨越僧舊業一池菱兩鬢已如
雪五湖歸挂罾夜濤鳴柵鎖寒葦露舡燈此去應無事
却來期未能

辭姚合云波濤千里隔抱疾亦相尋會宿逢高燒辭歸

值雨淋叢桑山店迥孤燭海舡深尚有重来計知無省
閣心

早秋過郭勁書齋云暑消崗舍清閑坐有餘情石水生
茶味林風減扇聲遠雲收海雨靜角揜山城此地秋吟
苦時來逸菊行

送宴上人云絕頂無禪侶長懷落髮師齋歸門掩雪講
徹樹生枝沙井泉澄疾秋鐘韻盡遲將行誰請住又來
禁城期

送康沼歸建業云南朝秋色滿歸去思如何帝業空城
在民耕壞塚多月明臺獨上粟綻寺頻過籬下西江闊

相思見白波

贈栢岩禪師云野寺絕依念空山曾徧行老來披衲重
病起讀經生乞食嫌村遠尋溪愛路平多年栢岩住不
記栢岩名

贈胡僧云瘦形無血色草履着從穿閑語似持呪不眠
同坐禪背經來漢地袒膊過冬天情性人難會遊方應
信緣

贈絕粒僧云一齋難過日况復更休糧養力時行道聞
鐘不上堂唯留煨藥火不寫化金方舊有山厨在從僧
請作房

唐詩紀事卷七十六
五
晚秋江館云病寄西州居帶城傍門高柳一蟬鳴澄江
月上見魚擲荒徑葉乾聞犬行越嶠夜無侵閣影寺鐘
涼有隔原聲故園賣盡休歸去湖水秋光空自平
贈李道士云布褐高眠石竇春迸泉多濺黑紗巾昂頭
說易當閑客落手圍碁對俗人自筭天年窮甲子誰同
兩夜守庚申擬歸太華何時去他日相逢乞藥銀
秋日同朱慶餘懷少室舊隱云曾居少室黃河畔秋夢
長懸未到迴扶病十年離水石思歸一夜隔風雷荒齋
幾度僧眠起晚菊頻經鹿踏來燈下此心誰共說傍松
幽逕幾多苔

宿隱靜寺云一宿五峯盃渡寺虛廊中夜磬聲分踈林
未落上方月幽澗忽生平地雲高鳥背泉生靜景遠人
當燭想遺文暫來此地歇勞足望斷故園滄海濱

湘漢懷傑公云一宿空山聽水流仍同賈客坐孤舟遠
書來隔巴陵兩雙鬢去驚彭蠡秋不擬為身謀舊業終
求斷穀隱高丘吾宗尚作無慘者中夜廢吟生旅愁
重陽詩云雲木踈黃秋滿川茱萸風裏一樽前幾回為
客逢佳節曾見何人再少年霜報征衣冷斜指鴈驚幽
隱泣雲泉古來醉樂皆難得當取窮通委上天
師東洛人姓周氏少從浮圖法遇姚合而返易名賀初

與賈長江無可齊名賀吳栢岩詩云林逕西風急松枝
講杪餘凍鬣亡夜剝遺偈疾時書地爍焚身後堂空卧
影初此時頻淚下曾省到吾廬時島亦有詩云苔覆石
床新師曾過幾春寫留行道影焚却坐禪身塔院關松
雪房廊鎖露塵自嫌雙淚下不是解空人時謂相侔云
兩鬢已垂白五湖歸釣魚句夜濤驚柵鎖寒葦露舡燈
句谷水生茶味林風減扇聲句磬徹遠巢禽句伊流背
行客嶽響答清猿句
右張為取作主客圖
唐有周賀詩即清塞也

秋宿洞庭云洞庭初葉下旅客不勝愁明月天涯夜青
山江上秋一官成白首萬里寄滄洲只被浮名繫寧無
愧海鷗

巴陵秋思云揚州已寒色楚田方刈禾歸心病起切敗
葉夜來多細雨城蟬噪斜陽嶠客過故鄉餘業在香隔
洞庭波

岳陽樓云平楚起寒色杪秋猶未還世情何處淡湘水
向人閑空翠隱高鳥夕陽歸遠山孤舟萬餘里惆悵洞

庭間三詩作
周賀

方干懷賀云就枕忽不寐孤懷興嘆初南譙收舊曆上

唐詩紀事卷七十一
苑絕來書暝雪細聲積晨鐘寒韻踈侯門昔彈鋏曾共
食無魚

僧無悶

暮春送人云折柳亭邊手重携江煙淡淡草萋萋杜鵑
不顧離人意更向落花枝上啼

寒林石屏云草堂無物伴身閑惟有屏風枕簟間本向
他山求得石却於石上看他山

僧文益

看牡丹云擁毳對芳叢由来趣不同髮從今日白花是
去年紅艷色隨朝露馨香逐晚風何須待零落然後始

知空

觀木平和尚云木平山裏人貌古年復少相看陌路同
論心秋月皎懷衲線非蠶助歌聲有鳥城闕今日來一
謳曾已曉

僧脩睦

秋日閑居云是事不相關誰人似此閑卷簾當白晝移
榻對青山野鶴眠松上秋苔長雨間嶽僧頻有信昨日
得書還

宿岳陽開元寺云竟夕凭虛檻何當與歎頻往來人自
老今古月長新風送沉魚唱松踈露鶴身無眠鍾又動

幾客在迷津

雪中送人北遊云雖知心去速其奈雪飛頻莫嘆無危
道雖平更隱人遠郊光接漢平野色通秦此去迢遙極
却回應過春

送邊將云人盡有離別而君獨無嗟言將身報國敢望
祿榮家戰思風吹野鄉心月滿沙歸期定何日塞北樹
無花

睡起作云長空秋雨歇睡起覺精神看水看山坐無名
無利身偈吟諸祖意茶輟去年春此外誰相識孤雲到
砌頻

賣松者云求利有何限將松入市來直饒人買去也向
柳邊栽細葉猶粘雪孤根尚惹苔知君用心錯舉世重
花開

落葉云雨過閑田地重重落盡紅翻思向春日肯信有
秋風幾處隨流水河邊亂暮空祇應松自立而不與君
同

落花云一片又一片等閑苔面紅不能延數日開亦是
春風公子歌聲歇詩人眼界空遙思故山下經雨兩三
叢

題田道者院云入門自空寂真箇出家兒有形鬼不見

無心人謂癡古岩寒栢對流水落花隨欲別一何懶相
見所恨遲

題東林云欲去不忍去徘徊吟逸廊水光秋淡蕩僧好
語尋常碑古苔文疊山晴鐘韻長翻思南嶽上欠此白
蓮香

思齊已上人云同人與流俗相謂好襟靈有口不他說
長年自誦經水聲秋後室山色晚來庭客問修何法指
松千歲青

送玄恭禪師云去去去何徃一盂兼一瓶水邊寒草白
島外晚峯青宿處林間虎行時天有星回期誰可定浮

世重者經

三生石云聖迹誰會得每到亦徘徊一尚不可得三從
何處來清宵寒露滴白晝野雲隈應是表靈異凡情安
可猜

僧景雲

老僧云日照西山雪老僧門始開凍瓶粘柱礎宿火陷
爐灰童子病歸去鹿麋寒入來齋鐘知漸近枝鳥下生
臺

溪叟云溪翁居處靜溪鳥入門飛早起釣魚去夜深乘
月歸露香菰米熟煙煖符絲肥蒲灑塵埃外扁舟一草

衣

畫松云畫松一似真松樹且待尋思記得無曾在天台山上見石橋南畔第三株

岑參有偃師東與韓搏同詣景雲上人即事云山陰老僧解楞伽潁陽歸客遠相過煙深草濕昨夜雨雨後秋風渡漕河空山終日塵事少平郊遠見行人少尚書磧上黃昏鐘別駕渡頭一歸鳥

唐詩紀事卷第七十六

唐詩紀事卷第七十七

僧棲一

僧可止

僧卿雲

僧處默

僧澹交

僧若虛

僧僧戀

僧曇域

僧懷楚

僧懷浦

僧慕幽

僧尚顏

僧善生

僧棲一

坡下懷古云緬想咸陽事可嗟楚詞哀怨思無涯八千子弟歸何處萬里鴻溝屬漢家弓指陣前爭日月血流坡下走龍蛇拔山力盡烏江水今古悠悠空浪花武昌懷古云戰國城池盡悄然昔人遺迹遍山川笙歌

唐詩集卷之十七
罷吹幾多日臺榭荒涼七百年蟬響夕陽風滿樹鴈橫
秋島雨來天傷嗟世事如流水空見蘆花一釣舡

僧可止

贈楚川長老云瘦顏顴骨見滿面雪毫垂坐石烏疑死
出門人謂移照身潭入楚浸影檜生隋太白曾經夏清
風涼四肢

哭賈島云燕生松雪地蜀死堊山根詩僻降今古官卑
悞子孫塚欄寒月色人哭苦吟魂暮雨滴碑字年年添
蘇痕

送僧云四海無拘繫行心與自濃百年三事衲萬里一
枝筇夜減當晴影春消過雪蹤白雲深處去知宿在何
峯

寄麥積山會如長老云默然如大道塵世不相關青檜
行時靜白雲禪處閑貧高一生行病長十年顏夏滿期
遊寺尋山又訪山

雪十二韻云落處咸過只翛然物像婁瑞騰金殿上寒
甚玉關西潤比江河普明將日月齊凌雲花頂膩鎖徑
竹梢低出谷樵人怯歸林野鳥迷煮茶融破練磨墨染
成衣陷兔埋平驛和魚凍合溪入樓消酒力當檻寫詩
題道路依憑馬朝昏委託雞洞深獺作族招亞鶴移棲

唐詩集卷之十一
及夏清山穴經春留石梯豐年兼泰國天道育黔黎
山居云雪消春力展花幔洞門垂葉長纖枝曲崑崩直
道移重後園淺井鬪鼠下踈籬寒食煙微有高風勢徹
陂

僧卿雲

秋日江居閑詠云寄居江島邊閑詠見秋殘草白牛羊
瘦風高狽鳥寒檢方醫故疾挑薺備中餐時復停書卷
鋤莎種木蘭

送人遊塞云去去玉關路省君曾未行塞深多伏寇時
靜欲屯兵雪每先秋降花常近夏生閑陪射鵬將應到

受降城

長安言懷寄沈彬侍郎云故園黎嶺下歸路接天涯生
作長安草勝為邊地花鴈南飛不到書北寄來賒堪羨
神仙客青雲早致家

舊里云舊居黎嶺下風景近炎方地暖生春早家貧覺
歲長石房雲過濕松逕雨餘香日久覺無事詩書聊自
強

僧處默

題聖果寺云路自中峯上盤迴出薜蘿到江吳地盡隔
岸越山多古木叢青靄遙天浸白波下方城郭近鐘磬

接笙歌

山中作云簾簾高卷枕高歌門掩垂蘿蘸碧溪閑把史
書眠一覺起來山月過松西

螢云熠熠與娟娟池塘竹樹邊亂飛如拽火成聚却無
煙微雨灑不滅輕風吹欲然昔時書案下頻把作囊懸
遠煙云靄靄前山上疑光滿薜蘿高風吹不盡遠樹得
偏多翠與晴雲合輕將淑氣和正堪流野目休問意如
何

送僧遊西域云一盂兼一錫祇此度流沙野性難為客
禪心即是家寺投雲嶠雪路入曉天霞自說遊諸國因

應歲月賒

憶杼山舊居云簾衣糲食老煙霞勉抱衰顏惜歲華獨
鶴祇為山客伴閑雲常在野僧家叢生嫩蕨沾松粉自
落乾薪帶蘚花明月清風舊相識十年歸恨可能賒
題棲霞僧房云名山不取買山錢任創花宮近碧巔松
桂老依雲裏寺樓臺深鎖洞中天風經險嶂迴踈雨石
動危屏掛落泉欲結茅庵共師坐肯饒多少薜蘿煙
織婦云蓬鬢蓬門積恨多夜闌燈下不停梭成縑猶自
陪錢納未直青樓一曲歌

僧澹交

病後作云未得亡身法此身終未安病腸獨可洗瘦骨
不禁寒藥少心神餌經無氣力看悠悠片雲下獨坐夕
陽殘

寫真云圖形期自見自見却傷神已是夢中夢更逢身
外身水花凝幻質墨彩染空塵堪笑余兼爾俱為未了
人

効古云榮辱又榮辱一何翻與覆人生百歲中孰肯死
前足玄鬢忽如絲青叢不再綠自古爭名徒黃金誰是
祿

僧若虛

樂仙觀云樂氏騎龍上碧天東吳遺宅尚依然悟來大
道無多事真後丹元不直錢老樹夜風蟲咬葉古垣春
雨鮮生甑松傾馬死桑田宅華表歸鄉未有年

懷廬山舊隱云九疊嵯峨倚着天每隨寒瀑下岩煙深
秋狷鳥來心上夜靜杉松到眼前書架想遭苔蘚裹石
窓應被薜蘿纏一枝筇杖遊江北不見爐峯二十年
古鏡云軒後洪爐獨鑄成蘚痕磨落月輪呈萬般物像
皆能鑒一箇人心不可明匣內乍開鸞鳳活臺前高掛

鬼神驚百年肝膽堪將比只怕頻看素髮生

僧僧巒

蜀中送人遊廬山云君遊正值芳春月蜀道千山皆秀
發溪邊五里十里花雲上三峯五峯雪君上匡山我舊
居松蘿拋擲十年餘君行試到匡山上山鳥只今想憶
無

牧童云牧童見人俱不拜盡着芒鞋戴蓑笠朝陽未出
衆山時露滴蓑衣猶半濕二月三月時平原草初綠三
箇五箇騎羈牛前村後村未放牧笛聲繞一舉衆稚齊
歌舞看看白日又西斜落日騎牛又歸去

逢老人云路逢一老翁兩鬢白如雪一里二里行四回
五回歇

僧曇域

宿鄭諫議山居云堂開星斗邊大諫採薇還禽隱石中
樹月生池上山涼風吹諫思幽語隔禪關莫擬歸城計
終妨此地閑

懷齊已云鬢髯秋景兩蒼蒼靜對茅齋一炷香病後身
心俱澹薄老來朋友半凋傷我眉山色侵雲直巫峽灘
聲入夜長猶喜深交有支遯時時音信到松房

贈島雲禪師云遠庵枯葉滿群鹿亦相隨頂骨生新髮
庭松長舊枝禪高太白月行出祖師碑亂後潛來此南
人總不知

僧懷楚

謝友人見訪留詩云軒車誰肯到泉石自相親暮雨凋
殘寺秋風悵望人庭新一片葉衣故十年春賴有瑤華
贈清吟愈病身

送新平故人云遠得倉庚思舊友又因蝴蝶夢生涯一
千餘里河邊郭三十六峯寒到家陰島宜分東號鴈晴
雲高入上陽鴉姜嫄廟北與君別應咲薄寒悲落花

僧懷浦

贈智舟三藏云壯歲心難伏師心伏豈難尋常獨在院
行坐不離壇嶽雪當禪暝松聲入呪寒更因文字外多

把史書看

初冬旅舍早懷云枕上角聲微離情未息機夢回三楚
寺寒入五更衣月沒棲禽動霜晴凍葉飛自慙行役早
深與道相違

僧慕幽

冬日淮上別文上人云家國各萬里同吟六七年可堪
隨北鴈迢遞向南天水與行人遠山將落日連春淮有
雙鯉莫忘尺書傳

酬和友人見寄云勞歌好自看終久偶齊桓五字若教
易一名爭得難侵窓紅葉老陰砌雪花殘莫効齊僚屬

東歸剪釣竿

劍客云去住知何處空將一劍行殺人雖取次為事愛
公平戟立項鬚鬢星流忿眼睛說來相共說拂署別遼
城

柳云今古憑君一贈行幾回折盡復重生五株斜傍淵
明宅下樹低垂太尉營臨水帶煙藏翡翠倚風兼雨宿
流鶯隋堤上依依在曾惹當時歌吹聲

燈云鐘斷危樓鳥不飛熒熒何處最相宜香燃水寺僧
開卷筆寫春帟客著詩忽爾思多穿壁處偶然心盡斷
纓時孫康勤苦誰能念少減餘光借與伊

三峽聞猿云誰向茲來不恨生聲聲聲是斷腸聲七
里外一家住十二峯前獨自行瘴雨晚藏神女廟蠻煙
寒鏢夜郎城憑君且聽哀吟好會待青雲道路平

僧尚顏

言興云矻矻被吟牽因師賈閣仙江山風月處一十二
三年雅頌在於此浮華致那邊猶慚功未至謾道近千
篇

懷陸龜蒙處士云布褐東南隱相傳蹤謝敷高譚夫子
道靜看海山圖事厄傷心否碁逢敵手無關中花數內
獨不見菖蒲

寄方干處士云格外綴清詩詩名獨得知閑居公道日
醉卧牡丹時海鳥和濤望山僧帶雪期仍聞稱處士聖
主肯相違

送陸肱入關云舟行復陸行始得到咸京准擬何人口
吹噓六義名亂山逢減翠叢菊早含英衣錦還鄉日他
時有此榮

早春送人歸岳陽云久食主人魚春來復舊居遠無千
里恨輕有半舡書過片晴雲淡消殘暮雪虛岳陽多異
境搜思多令踈

寄劉逸士云無愁無累者偶向市朝遊此後來孤艇依

前入亂流高眠歌聖日下釣坐清秋道不離方寸而能
混俗求

寄陳陶處士云鍾陵城外住喻似玉沉泥道直貧嫌殺
神清語亦低雪深加酒債春盡減詩題記得曾邀宿山
茶又更携

僧善生

送玉禪師云飄然無定跡迥與律乘違入郭隨緣主思
山破夏歸孟孽數家飯衲乞幾人衣洞了曹溪旨寧輸
俗者機

送智光之南值雨云結束衣囊了次州定去遊草堂方

惜別山雨為相留又得一宵話免生千里愁莫辭重卜
日後會必驚秋

旅中答喻軍事問客情云一自遊他國相逢少故人縱
然為客樂爭似在家貧蓄恨霜侵鬢搜詩病入神若非
憐片善誰肯問風塵

贈盧逸人云高眠岩野間至藝敵應難詩苦無多首藥
靈惟一丸引泉魚落釜攀葉露沾冠已得嵇康趣逢迎
事每闌

劉夢得送舉師序云近古而降釋子以詩聞于世者相
踵焉因定而得境故翛然以清由惠而遣辭故粹然以

麗信禪林之蘊萼而戒河之珠璣也柳儀曹謂文郁師
背笈篋懷筆牘夾海沂江獨行山林間翛然模狀物
態搜伺隱隙登高遠望悽愴超忽游其心以求勝語若
有程督之者

此一節論浮屠之能
詩者故載于卷末

唐詩紀事卷第七十七

唐詩紀事卷第七十八

開元宮人

楊氏女

薛彥輔母林氏

崔氏

劉氏

慎氏

薛媛

李季蘭

侯氏

如意中女子

裴柔之

魚玄機

僖宗宮人

張建封妓

宮女

女道士元淳

開元宮人

開元中賜邊軍續衣製於軍中有兵士於短袍中得詩曰沙場征戍客寒苦若為眠戰袍經手作知落阿誰邊

蓄意多添線含情更著綿今生已過也重結後生緣兵
士以詩白帥帥進呈玄宗以詩遍示宮中曰作者勿隱
不汝罪也有一宮人自言萬死上深憫之遂以嫁得詩
者謂曰吾與汝結今生緣邊人感泣

楊氏女

盈川姪女曰容華有新粧詩云宿鳥驚眠罷房櫳乘曉
開鳳釵金作縷鸞鏡玉為臺粧似臨池出人疑向月來
自憐終不已欲去復徘徊

薛彥輔母林氏

送男左貶詩云他日初投杼勤王在隱兵有辭期不罰

積意許相仍謫宦今何在啣冤猶未勝天涯分越徼驟
騎速毗陵腸斷腹非苦書傳寫豈能淚添江水遠心劇
海雲蒸明月珠難識其泉賦可稱但將中直主何懼點

青蠅

彥輔開元時登進士第

薛播伯父元稹終於隰城丞其妻濟南林氏丹陽太守
洋之妹善屬文有子彥輔彥國彥偉彥雲及播兄據摠
並早孤悉為林氏訓導立名開元天寶間彥輔據七人
並舉進士連中科名衣冠榮之

崔氏

盧校書暮年取崔氏結褵之後為詩曰不然盧郎年紀大不然盧郎官職卑自恨妾身生校晚不及盧郎年以時

劉氏或云趙氏

杜羔不第將至家其妻劉氏先寄詩云良人的的有奇才何事年年被放回如今妾面羞君面君到來時近夜來羔即回尋登第又寄詩云長安此去無多地鬱鬱葱葱佳氣浮良人得意正年少今夜醉眠何處樓雜言寄杜羔云君從淮海遊再過杜蘭秋歸來不須更又欲向梁州梁州秦嶺西棧道與雲齊羗虜萬餘落戟矛自高

低已念寡儔侶復慮勞攀躋丈夫重志氣兒女空悲臨印滯遊地肯顧濁水泥人生賦命有厚薄君自遨遊我寂寞羔登貞元進士第終工部尚書贈右僕射制云生於士族蘊為公器敦厚孝友本乎天性文學政事出於餘力自立朝右藹然素風司諫平刑駁駁廉問凡所踐歷不解于位以年致政以疾就第出處進退皆叶時中羔有至性父死河北母不之也羔憂號終日後竟得其母又不知其父墓處也其墓於佛相柱上後歷振武節度使

慎氏

毗陵慎氏三史嚴灌夫之妻以無子被出有詩曰當時
心事已相關雨散雲飛一餉間便是孤舟從此去不堪
重過望夫山遂如初雲溪友議

薛媛

濠梁南楚村旅遊陳穎受穎牧之眷無返舊意其妻薛
媛寫真寄之曰欲下丹青筆先拈寶鏡端已驚顏索寞
漸覺鬢凋殘淚眼描將易愁腸寫出難恐君渾忘却時
展畫圖看夫婦遂偕老焉時人嘲之曰當時婦棄夫今
日夫棄婦若不逞丹青空房應獨守

李季蘭

三峽流泉歌云妾家本住巫山雲巫山流水常自聞玉
琴奏出轉寥夤直似當時夢中聽三峽迢迢幾千里一
時流入幽閨裏巨石崩崖指下生飛浪遠波絃中起初
疑噴怒含雷風復似嗚咽流不通迴湍曲瀨意將盡時
復滴瀝平沙中憶昔阮公為此曲能使仲容聽不足一
彈既畢還一彈願此流泉鎮相續

寄韓校書云無事烏程縣蹉跎歲月餘不知芸閣吏寂
寞意何如遠水浮仙棹寒星伴使車因過大雷岸莫忘
八行書

結素魚貽友人云尺素如殘雪結為雙鯉魚欲知心裏

事看取腹中書

得聞伯鈞書云情來對鏡懶梳頭暮雨蕭蕭庭樹秋莫
怪闌干垂玉筍只緣惆悵對銀鈎

送韓揆之江西云相看指楊柳別恨轉依依萬里江西
水孤舟何處歸湓城潮不到夏口信應稀唯有衡陽鴈
年年來去飛

季蘭五六歲其父抱於庭作詩詠薔薇云經時未架却
心緒亂縱橫父恚曰此必為失行婦也後竟如其言高
仲武云士有百行女有四德季蘭則不然形器既雄詩
意亦蕩自鮑昭已下罕有其倫如遠水浮仙棹寒星伴
使車此五言之嘉境也上方班婕妤則不足下此韓英
則有餘不以遲暮亦一俊異姬劉長卿謂季蘭為女中
詩豪

侯氏

會昌中邊將張睽防戎十年餘其妻侯氏繡迴文作龜
形詩詣闕進之詩云睽離已是十秋強對鏡那堪重理
粧聞鴈幾回脩尺素見霜先為製衣裳開箱疊練先垂
淚拂杵調砧更斷腸繡作龜形獻天子願教征客早還
鄉侯氏賜絹三百疋以彰才美出杼情詩

如意中女子

如意中女子年九歲能吟詩則天試之皆應聲而就其
兄辭去則天令作詩送兄遂賦云別路雲初起離亭葉
正稀所嗟人異鴈不作一行飛

裴柔之

元微之自會稽拜尚書右丞到京未踰月出鎮武昌裴
夫人柔之難之曰歲杪到家鄉先春又赴任賴即贈詩
曰窮冬到鄉國正歲別京華自恨風塵眼常看遠地華
碧幢還照曜紅粉莫咨嗟嫁得浮雲婿相隨即是家柔
之荅曰侯門初擁節御苑柳絲新不是悲殊命唯愁是
別親黃鶯還古木珠履從清塵想到千山外滄江上暮

春

魚玄機

臨江樹云草色連荒岸煙姿入遠樓葉鋪秋水百花落
釣人頭根老藏魚窟枝低拂客舟拂傍蕭蕭風雨夜驚
夢復添愁

玄機咸通中西京咸宜觀女道士也字幼微善屬文其
詩有綺陌春望遠瑤街秋興多又慙慙不得語紅淚一
雙流又焚香登玉壇端簡禮金闕又雲情自鬱爭同夢
仙貌長芳又勝花後以笞殺女童緣事下獄獄中有詩
云易求無價寶難得有情夫又曰明月照幽隙清風開

唐言雜事卷七十六
短襟

僖宗宮人

唐僖宗自內出袍千領賜塞外吏士神策軍馬真於袍中得金鎖一枚詩一首云玉燭製袍夜金刀呵手裁鎖寄千里客鎖心終不開真就市貨鎖為人所告主將得其詩奏聞僖宗令赴闕以宮人妻真後僖宗幸蜀真晝夜不解衣前後捍禦

張建封妓

白樂天有和燕子樓詩其序云徐州張尚書有愛妓丐丐善歌舞雅多風態予為校書郎時遊淮泗間張尚書

宴予酒酣出丐丐佐歡予因贈詩落句云醉嬌勝不得風嫋牡丹花一歡而去爾後絕不復知茲一紀矣昨日司勳員外郎張仲素繪之訪余因吟詩新有燕子樓詩三首辭甚婉麗詰其由乃丐丐所作也繪之從事武寧累年頗知丐丐始末云張尚書既歿彭城有張氏舊第中有小樓名燕子丐丐念舊愛而不嫁居是樓十餘年于今尚在丐詩云樓上殘燈伴曉霜獨眠人起合歡床相思一夜情多少地角天涯不是長又云北邙松柏鎖愁煙燕子樓中思悄然自埋劍履歌塵散紅袖香銷一十年又云適看鴻鴈岳陽迴又覩玄禽逼社來瑤瑟玉

簫無意緒任從蛛網任從灰余嘗愛其新作乃和之云
滿窓明月滿簾霜被冷燈殘拂卧床燕子樓中寒月夜
秋采祗為一人長又云鈿帶羅衫色似煙幾回欲起即
潛然自從不舞霓裳袖疊在空箱二十年又云今春有
客洛陽回曾到尚書墓上來見說白楊堪作柱忍教紅
粉不成灰又贈之絕句云黃金不惜買蛾眉揀得如花
四五枝歌舞教成心力盡一朝身去不相隨後仲素以
余詩示眇眇乃反覆讀之泣曰自公薨背妾非不能死
恐百載之後人以我公重色有從死之妾是玷我公清
範也所以偷生爾乃和白公詩云自守空樓斂恨眉形
同春後牡丹枝舍人不會人深意訝道泉臺不去隨眇
眇得詩後徃徃旬日不食而卒但吟詩云兒童不識冲
天物謾把青泥污雪毫出長慶集

宮女

天寶末宮娥衰悴不願備宮掖有落葉題詩隨御水而
流云舊寵悲秋扇新恩寄早春聊題一紅葉將寄接流
人顧况聞而和之云愁見鶯啼柳絮飛上陽宮女斷腸
時君恩不禁東流水葉上題詩寄與誰既達宸聰由是
遣出禁中宣宗朝又有題紅葉隨流者為盧渥得之詩
云流水何太急深宮盡日閑殷勤謝紅葉好去到人間

女道士元淳

寄洛中諸姊云舊日國經年別關河萬里思題詩憑鴈翼
望月想蛾眉白髮愁偏覺歸心憂獨知誰憑離亂處掩
泣向南枝

唐詩紀事卷第七十八

